

刑家格训

君王为普天之主显荣者务在忘家报国于策名沦落者须识尊君亲上于闭户行一事有重乖王章罔上存一心有违国典便是欺君咫尺有天威一切修词立说毋得冒干

御讳要念靡监在王事诸凡贡赋奉公须当亟应国命斯率土皆臣之义得而不遗不后之道存矣

父母为出身之本本实先拨枝叶未有不害自来第一喫紧道理也出人庠序之俦贵在守身养志作息畝畝之辈勿徒奉送为荣夫父母爱虽闭户幽居有余光若不顺即盖世英雄无足取所以非此百行之善莫大乎能孝五行之罪无过于不孝诗云哀七父母生我勤劳又云明发不昧有怀二人此皆为子者所宜身体力行也

兄弟为同气之枝

伤共枝是伤其本矣昔贤云人家兄弟无不义者多因娶妇入门争长竞短渐至背戾每见世之兄弟分财折产一有不平不是斩很参商便是鼠牙雀角不知兄友者弟自恭焉有不相逊相让者乎况难得者兄弟易求者财产何可重费财薄手足乎兄弟不能再得妻妾犹可再娶何得听妇言乖骨肉也诗曰凡今之人莫如兄弟又曰岂无他人不与我同父斯言也宜复之

夫妇为人伦之始

易曰男正位乎外女正位乎内夫夫妇妇而家道正夫妇人之道从一而终彼孀妇再嫁变属权宜之道今有世以兄而受弟妇以弟妇而受兄嫂不为风化有玷亦且何颜对死者于地下乎稍有义气当不出此俗情欲令智昏不以为乖法反云为通方颠倒名分人道何在故凡遭际不幸者妇人能守则守之

不然宜改醮他姓男子能娶则娶之不然宁鰥居终身决不可徇一时之方便致遗恨于伦教也况国典昭然甚勿蹈此

闺门为万化之源

古者男不言内女不言外道路男子由左女子由右别男女也男女授受不亲嫂叔不相通问远嫌疑也妇人无外事迎送不出闺门主中馈也仆童奴丁不入寝佣人力役不来厨中防微杜渐也苟任其出入往来相狎日久保无他故乎嗟匕辱门败闺莫此为甚富贵之胄固宜慎之而贫贱之家又岂可忽诸父兄为子弟之表

视听言动出之以礼撙节俭用行之有常则一身所发皆可为子弟之仪型又何患退有后言董戒不行于一家也第以其言论之有一种可恶之流习为最不堪听之语即处父母兄弟嫂媳子侄之间直作一嬉戏笑骂恆言出者恬不为愧闻者无地容身父兄之表不立而欲子弟循规蹈矩俭约自持也得乎故为父兄者须立坊表于家焉可也

豢养为圣功之基

天下不教自善者少教而不善者亦不少童豢诚不可不养以正矣夫父母谁不爱子特患徒为禽犊之爱谓斯稚匕且宽容之任其优游纵恣渐积冒昧居心骄奢成性俾其后名辱身贱不可救药斯谁之过与孔子曰爱之能勿劳乎劳非詈骂鞭撻使彼奔走不暇也不过规之义方是训一切言行笑语勿听其放旷四书六艺令知其诵习于正途知所趋于邪径知所避则少成若天性习惯成自然圣贤事业从此基矣纵不能高出人上当不至终为人下豢养之功其可少乎

匪类为风俗之蠹

毋学赌博作盗窃毋好奸邪敬倖免目前之祸最难逃久后之诛与其悔之

于后莫若谨之于先须宜各训各子各严各弟令其交正士远匪人则志端行方又焉有作奸犯科于国典乎

乡党为尚齿之区

凡卑幼遇尊长坐则隅行则随或先坐必立起以迎长者即前往必随行以后长者推之语言当谦卑逊顺不可以贤哲先人况后辈之冒昧不如老成之练达乡党公议是非须尊长为先倘所见偶偏不如我策合宜务要愉色婉言酌义更改不得藐视尊长胆敢独行己见此小不加大少不陵长之道也

忍耐为雍睦之道

昔张公艺九世同居高宗幸宅召问公书忍字百余以进推之乡邻莫不宜然孔子曰忿思难谚云忍气饶人祸自消若因一朝之忿非惟讼狱频与家产立破且参商构怨伏祸无穷亡身及亲有必然也苟事属得已何必尚气角力为哉

耕读为教养之端

家即饱暖亦三事不可不乘子即愚鲁一经不可不读若一概目不识丁虽饱暖亦村夫耳故谚有曰有田不耕仓廩虚有书不读子孙愚诚哉是言也

勤俭为治家之本

业精于勤而荒于嬉财积于俭而伤于侈寸阴是图虽愚拙必有树绩之候量入为出即贫乏亦见饔飧堪继非然者隋其四支虽智慧之子从未见其学问之有成盗厥冗费即饶裕之家断未见其囊橐之不匮勤俭之益大矣哉

祭丧为五教之重

盖终者人所易忽稍有不慎难起九原而再补必衣衾棺槨尽其礼远者人所易忘一有未追徒设二鼎抑何益必禴祀蒸尝竭其诚所以君子亲丧自尽不以天下俭其亲慎终也虽贫不鬻祭器虽寒不衣祭服严报本也慎终追远之意得而仁人孝子之心愈见矣

坟墓为风水之关

坟墓者上以安先灵下以庇后裔非浅鲜也往往不轨之徒只贪一己之富贵不愿众人之安厄窥伺吉穴便行盗葬抑知人必有心地而后有阴地欺祖灭宗损人利己昧心甚矣一经觉察幽诛于祖宗明罚于族人是求利未得害先及之分期侥倖之举又何益乎

祖宗为灵爽之凭

废坠宜兴举芜秽宜扫除器物不清洁不雅观者毋得滥入其中陨越先灵灭却朝廷之色是即尊祖敬宗也耶昔武周春秋修其祖庙亦此物此志也夫族系为一脉之流

所谓一脉者原以清渊源辨真伪也如渊源弗清不修无损真伪未辨修之何益彼系出本宗是吾真也接抚异姓非假而何是欲清之辨之理固其所虽然胶固不如变通守经莫若达权忆乏嗣之先人未尝不欲田要亲耕子要亲生无奈命不亲生本族既无有抚不得不接异姓当其时抚摩鞠育视由己出屋宇田畴付托无他原希勤挂扫存坟墓陈俎豆荐馨香继继承承世守无替若有嗣者之得继序也至今多历年所奕叶蕃衍因以修之谱兴而遂弃之无论若人进退实为狼狈亦且使者抱恨悼于九泉生者谓刻薄于数人静夜自思亦甚不忍兹但以抚接某姓之子数字注明某祖妣名下更注此子旁侧则若真若假涣然冰释于简编又何乱宗之有乎至于坟墓止许持扫嗣后不得上山安厝家庙祀享原以一宗为主纵伊等显荣止宜骏奔在庙虔诚助祭而已牌位必不可入主祀必不可容如或恃强欺众得陇望蜀则閤族其共攻之并助祭概不许入岂能违众孤立乎以后有不幸议继纵当由亲及疏不出本宗之外若后车不鉴复踵前非是又一藉假乱宗者之大患 也可不戒哉